

萃升書院講義

孫氏據江東按語

按孫氏據江東一篇。始孫策之拜懷義都尉。終孫權之稱吳帝。綿亘四十餘年。孫氏之克保江東。實由赤壁之捷。而翊魏弱漢。則在江陵之襲。蓋無此二役。漢魏皆可統一。而三分不成。然亦實以人材爲主。周瑜陸遜。其材智可與操懿諸葛相伯仲。而其次之文武顯名者。亦足與魏蜀相敵。晉袁彥伯三國名臣贊。可得大概。孫策吞併郡縣。以揚州爲多。茲輯釋地如下。續漢郡國志。揚州刺史部郡六。縣邑侯國九十二。九江郡十四城。陰陵（今安徽定遠縣西北）。壽春（今壽縣治）。浚遒（今合肥縣東北）。成德（今壽縣東南）。西曲陽（今鳳臺東南）。合肥（侯國。今合肥東北。金斗城）。歷陽（侯國。刺史治。今和縣含山）。當塗（有馬丘聚。今懷遠縣東南）。全椒（今全椒滁縣來安）。鍾離（侯國。今鳳陽縣東）。阜陵（今全椒縣東）。下蔡（故屬沛。今鳳臺縣治）。平阿（故屬沛。今懷遠東南）。義成（故屬沛。今懷遠東北）。丹陽郡十六城。宛陵（今安徽宣城寧國南陵）。溧陽（今溧陽溧水

高淳。丹陽。今當塗縣東。故鄣。今浙江安吉孝豐長興。安徽廣德郎溪。於潛。
今浙江於潛昌化。涇。今安徽涇縣西。及旌德太平。歙。注三天子鄣山。今歙
縣績溪休寧婺源祁門。黟。注有林歷山。今黟縣東。陵陽。今石埭東北及青陽。
蕪湖。中江在西。今蕪湖縣東。秣陵。南有牛渚。今江蘇江寧縣南。湖孰。侯
國。今江寧東南。句容。今句容縣。江乘。今句容縣北。春穀。今銅陵繁昌。石
城。今安徽貴池秋浦。廬江郡十四城。舒。有桐鄉。今安徽舒城桐城。雩婁。
侯國。今河南商城縣東北。尋陽。南有九江。今湖北黃梅縣北。潛。今安徽霍
山。臨湖。侯國。今安徽無爲縣西南。龍舒。侯國。今舒城縣西。襄安。今
無爲南。皖。有鐵。今安徽懷寧太湖望江潛山。居巢。今巢縣東北。六安。國。
今六安縣北。蓼。侯國。今河南固始縣東北。安豐。有大別山。今固始東南。陽
泉。今安徽霍邱縣西。安風。今霍邱東南。會稽郡十四城。山陰。會稽山在南。
有浙江。今浙江紹興縣治。鄞。今鄞縣東。及鎮海。烏傷。今浙江金華蘭谿義

烏永康武義等縣。餘暨（今蕭山縣西）諸暨（今浙江諸暨縣）太末（今浙江衢縣。龍游江山常山開化遂昌及江西玉山）上虞（今上虞縣北）剡（今嵊縣西南及新昌）餘姚（今餘姚縣）句章（今慈谿定海南安）鄞（今奉化縣東）章安（故治閩越地。光武更名。今臨海黃岩天台仙居平陽泰順瑞安麗水青田縉雲龍泉慶元雲和景寧）永寧（永和三年。以章安東甌鄉爲縣。今浙江永嘉樂清）東部（侯國。東侯官之訛。今福建閩侯縣及全省）吳郡十三城。吳（本國。震澤在西。今江蘇吳縣吳江）海鹽（今浙江平湖縣東南。及海鹽海寧江蘇奉賢南匯金山）烏程（今浙江吳興德清武康）餘杭（今浙江杭縣餘杭臨安）毘陵（北江在北。今江蘇武進常熟江陰）丹徒（今江蘇丹徒縣東南）曲阿（今江蘇丹陽金壇）由拳（今浙江嘉興嘉善石門桐鄉）安（爲婁之訛）富春（今浙江富陽建德桐廬壽昌分水）陽羨（邑。今江蘇宜興縣）無錫（侯國。春申君城東皇山。有泰伯冢。今無錫縣）婁（今江蘇崑山婁上海青浦太倉嘉

定。豫章郡二十一城。南昌（今江西南昌新建豐城進賢）建成（今江西高安宜豐萬載）新淦（今新淦清江峽江）宜春（今宜春分宜萍鄉新喻）廬陵（今吉安泰和吉水永豐萬安永新寧岡蓮花）贛（今贛縣西南及興國）雩都（今雩都會昌安遠尋鄔寧都瑞金石城）南野（有南領山今江西南康信豐龍南大庾上猶崇善廣東始興）南城（今南城縣東南及黎川南豐廣昌資溪崇仁）鄱陽（有鄱水黃金采今鄱陽浮梁）歷陵（有傅陽山今德安縣）餘汗（今餘干樂平弋陽貴溪鉛山德興上饒廣豐餘江）鄒陽（今鄱陽西北）彭澤（彭蠡澤在西今江西湖口彭澤安徽東流）柴桑（今九江縣西南及星子瑞昌）艾（今江西修水縣故義寧）海昏（侯國今江西建昌安義武寧）平都（侯國今安福縣）石陽（今吉水縣）臨汝（永元八年置今臨川宜黃樂安東鄉）建昌（永元十六年分海昏置今奉新靖安）按孫策用兵多在九江六郡其後丹陽四郡皆爲所得。魏之揚州僅有漢九江廬江二郡。魏省漢縣爲多。吳則分置郡縣。

多容另輯釋地。總之。漢代視今。中原及西北。則漢置縣爲夥。東南則漢置縣爲少。如冀州之鉅鹿。豫州之汝南。青州之瑯邪諸郡。則往往以漢之五六縣。爲今一縣。會稽豫章。則往往以漢之一縣。爲今四五縣。東侯官一縣。幾爲今之福建一省。如清統志沿革表。於浙江之嘉興秀水嘉善石門桐鄉。皆書漢由拳縣地。金華蘭谿。東陽義烏永康武義。皆書漢烏傷縣地。江西之南昌新建豐城進賢。皆書南昌縣地上饒弋陽貴溪鉛山廣豐興安。皆書餘汗縣地。是也。王氏漢書補注。後漢書集解。多列統志縣治所在。汪氏釋地略。亦多專指一縣。今據清一統志沿革表。詳爲錄入。蓋自晉宋兩次南渡。中原人民。遷移東南。故日臻蕃盛。而增析之始。則由孫吳立國。其時將相加意經營。爲富庶之原。此不可不知者。是篇孫策分豫章爲廬陵郡。王氏集解。三國吳廬陵郡。領漢舊縣一。改廬陵爲高昌。(今廬陵)分置西昌。(今泰和)東昌。(今泰和西)吉陽。(今吉水東北)巴邱。(今峽江)興平。(今吉陽北)陽城。(今永豐)新興。(今龍泉東北)爲九城。按漢舊縣一爲

平都。是篇。孫權以呂範爲彭澤太守。分豫章爲番陽郡。長沙爲漢昌郡。晉志亦言權分鄱陽郡。而無彭澤。漢昌兩郡。豫章郡有彭澤縣。長沙郡有吳昌縣。宋書州郡志。長沙郡吳昌侯國。後漢立曰漢昌。吳更名。廿二史考異。謂周憬碑陰有長沙漢昌宣祇字。必桓靈時所置。並謂漢昌郡仍併入長沙。以建安十九年孫劉分荊州。孫氏得長沙。桂陽。零陵三郡。不言漢昌也。吳志。呂範傳。領彭澤太守。以彭澤柴桑。歷陽爲奉邑。蓋其時以此三縣爲彭澤郡。但彭澤柴桑之距歷陽。中間尙有丹陽之蕪湖等縣。並非聯界。其後晉志不見此郡。仍廢也。是篇兵事。多在大江以南。茲輯水經注。漸江諸水如下。漸江水出三天子都。山海經謂之浙江。地理志云。水出丹陽縣縣南蠻中。東過其縣南。有博山。浙江又北。歷黟山。縣居山之陽。故氏之。漢成帝鴻嘉二年。以爲廣德國。晉太康中。爲廣德縣。分隸宣城郡。浙江又北。逕歙縣東。與一小溪合。水出縣東北翁山。西逕故城南。又西南入浙江。又東逕遂安縣南。水甚清深。潭不掩鱗。故名新定。分歙縣立之。晉太康中。又改從今名。浙江。

又左合絕溪。溪水出始新縣西。東逕縣故城南。爲東西長溪。溪有四十七瀨。（三
天子都在今安徽婺源縣西北。黟縣今仍曰黟縣。廣德今廣德縣。遂安在今浙江
遂安縣治西北浙江之北。）孫權使賀齊討黟歙山賊。賊固黟之林歷山。山甚峻
絕。又工禁五兵。齊以鐵杙楸山。升出不意。又以白楸擊之。氣禁不行。遂用奇功。平
賊。于是立始新之府于歙之華鄉。令齊守之。後移出新亭。晉太康元年改曰新安。
溪水東注浙江。浙江又東北。逕建德縣南。縣北有烏山。（歙縣即今安徽歙縣。當
浙江之北。林歷山在博山西。始興府即新安郡。在晉遂安之東。今雲源溪之西。即
酈注之長溪。建德即浙江建德縣。）浙江又東逕壽昌縣南。自建德至此八十里。
中有十二瀨。瀨皆峻險。行旅所難。縣南有孝子夏先墓。浙江又北逕新城縣。桐溪
水注之。（壽昌在今桐廬縣西南。新城今曰新登縣。桐溪水今仍名桐溪。）水出於
潛縣北天目山。山極高峻。西臨峻澗。東面有瀑布。下注數畝深沼。名曰浣龍池。池
水南流。逕縣西。爲縣之西溪。溪水又東南與紫溪合。水出縣西百丈山。即潛山。山

水東南流。名爲紫溪。中道夾水。有紫色磐石。又名此水爲赤瀨。紫溪又東南流。逕白石山之陰。又東南。連山夾水。兩峯交峙。水木相映。名曰樓林。紫溪東南流。逕桐廬縣東。爲桐溪。孫權藉溪之名。以爲縣目。割富春之地。立桐廬縣。自縣至於潛。凡十有六瀨。第二是嚴陵瀨。瀨帶山。山下有石室。嚴子陵之所居。桐溪又東北。逕新城縣。入浙江。縣故富春地。孫權置。後省併桐廬。咸和九年。復立爲縣。（於潛即今浙江於潛縣。天目山在東北。西溪。今日藻溪。紫溪。今日雙溪河。桐廬在今桐廬治西北。子陵石室在桐溪水東。）浙江又東北。入富陽縣。故富春。晉后名春。改曰富陽。東分爲湖浦。浙江又東北。逕富春縣南。江南有山。孫武皇之所葬。黃武五年。孫權以富春爲東安郡。（富陽。今日仍曰富陽縣。在浙江之北。）浙江又東北。逕亭山。山西上有孫權父冢。浙江逕縣。左合餘干大溪。江北即臨安縣界。水北對郭文宅。宅東有郭文墓。建安十六年。縣民郎稚作亂。賀齊討之。孫權分餘杭立臨水縣。晉改曰臨安。（亭山在浙江之南。與富陽對岸。臨安。今日仍曰臨安縣。在餘杭大溪南。今日

曰北溪。浙江又東逕餘杭故縣南。新縣北。秦始皇南游會稽。途出是地。因立爲縣。漢末陳渾移築南城。縣後溪南大塘。即渾立以防水。縣南有三碑。是顧颺范寧等碑。縣南有大壁山。今餘杭即酈注餘杭故縣。在浙江之北。新縣則在浙江之南。大塘在今餘杭縣南北溪之北。大壁山在大塘南。浙江又東逕烏傷縣北。異苑曰。東陽顏烏。以淳孝著聞。後有羣烏助銜土塊爲墳。烏口皆傷。一境以爲顏烏至孝。故致慈烏。欲令孝聲遠聞。名其縣曰烏傷。烏傷今義烏縣。浙江又東北至錢塘縣。穀水入焉。水源西出太末縣。縣越姑蔑之地。秦以爲縣。吳寶鼎中。分會稽立東陽郡。穀水東逕獨松故冢下。穀水又東逕長山縣南。與永康溪水合。縣即東陽郡治。漢獻帝分烏傷立郡。吳寶鼎中。分會稽置城。居山之陽。其水飛湍北注。至縣南門入穀水。錢唐故縣在今杭縣西湖。穀水出今浙江江山縣南。仙霞嶺。漢大末縣西南境。獨松故冢在今江山縣西南。今日信安江。長山縣今日金華。永康溪水出今永康縣東北。曰梅溪。穀水又東。定陽溪水注之。水上承信安縣。

之蘇姥布。縣本新安縣。晉太康三年改曰信安。水懸百餘丈。瀨勢飛注。狀如瀑布。其水又納衆流。混波東逝。逕定陽縣。夾岸緣溪。悉生竹及芳樹。木連。雜以霜菊。金橙。縣漢獻帝分信安立。溪亦取名。（蘇姥布在今浙江開化縣北。信安即今衢縣。定陽在今常山縣東。）溪水又東。逕長山縣北。溪水又東入于穀水。穀水又東逕烏傷縣之雲黃山。又與吳寧溪水合。水出吳寧縣下。逕烏傷縣入穀。謂之烏傷溪水。（雲黃山在今義烏縣西南。吳寧溪水今日東陽江。吳寧在今東陽縣東。）穀水又東入錢唐縣。而左入浙江。浙江又東逕靈隱山。山下有錢唐故縣。浙江逕其南。記曰。防海大塘在縣東一里許。議曹華信議立此塘。以防海水。始開幕有能致一斛土者。即與錢一千。旬月之間。來者雲集。塘未成而不復取。于是載土石者。皆棄而去。塘以之成。故改名錢塘。縣南江側有明聖湖。縣有武林山。武林水所出。吳地記言縣惟浙江。今無此水。縣東有定包諸山。皆西臨浙江。水流于兩山之間。濤水晝夜再來。來應時刻。常以月晦及望尤大。秦始皇將游會稽。至錢唐。臨浙江。

不能渡。故道餘杭之西津。浙江北合詔息湖。湖本名乍湖。（靈隱山在杭縣西北。詔息湖在杭縣北。）浙江又東合臨平湖。孫皓天璽元年。吳郡上言。臨平湖自漢末穢塞。今更開通。又于湖邊得石函。函中有小石。青白色。長四寸。廣二寸。餘刻作皇帝字。于是改夫冊爲天璽元年。湖水上通浦陽江。下注浙江。名曰東江。（行旅所從以出浙江也。）浙江又逕固陵城北。（臨平湖在杭縣東南。固陵城與今杭縣對岸。）今之西陵。浙江又東逕柎塘。謂之柎瀆。昔太守王朗拒孫策。數戰不利。孫靜說策曰。朗負阻城守。難可卒拔。柎瀆去此數十里。是要道也。若從此出。攻其無備。破之必矣。策從之。破朗于固陵。有西陵湖。亦謂之西城湖。西有湖城山。東有夏架山。（柎瀆在固陵城北。與杭縣對岸。夏架山在固陵城東。清統志查瀆一名柎瀆。在蕭山縣西南九里。）湖水上承妖皋溪而下注。浙江又東逕會稽山陰縣。有苦竹里。里有舊城。言句踐封范蠡子之邑。浙江又東與蘭溪合。湖南有天柱天。湖口有亭。號曰蘭亭。亦曰蘭上里。（妖皋溪今日湘溪。山陰今日紹興縣。蘭亭在南。

天柱山。又在蘭亭南。清統志。蘭亭在山陰縣西南二十七里。太守王羲之謝安兄弟。數往造焉。吳郡太守謝勗封蘭亭侯。蓋取此亭以爲封號。太守王廙之。按廙之當作凝之。移亭在水中。晉司空何無忌之臨郡也。起亭于山椒。極高盡眺矣。又逕越王允常冢北。冢在水客村。浙江又東北得長湖口。湖廣五里。東西百三十里。沿湖開水門六十九所。溉田萬頃。北瀉長江。湖南有覆斗山。周五百里。北連鼓吹山。山西枕長溪。溪水下注長湖山之西嶺。有賀臺。長湖在紹興南長溪。今曰西溪。清統志。鏡湖一名長湖。在山陰縣南三里。跨山陰會稽。周三百五十八里。統納二縣之水。又有秦望山。在城正南。南有嵯峴。峴裏有大城。越王無餘舊都。又有會稽之山。古防山也。亦謂之茅山。周禮揚州之鎮山。下有禹廟。山上有禹冢。山東有湮井。去廟七里。深不見底。謂之禹井。云東游者多探其穴。秦始皇登會稽山。刻石紀功。尙存山側。北則石帆山。北臨大湖。東帶若耶溪。溪水上承嵯峴麻溪。溪之下孤潭。周數畝。謝靈運與從弟惠連常游之。麻潭下注若耶溪水。溪水下注。

大湖耶溪之東。又有寒溪。溪之北有鄭公泉。（按海塘爲浙江防海鉅工。擬另輯清統志。秦望山會稽縣東南四十里。會稽山會稽縣東南十三里。若耶溪在會稽縣南二十里。）湖水自東亦注江通海。水側有白鹿山。東有銅牛山。山有銅穴。三十許丈。山上有治官。山北湖下有練塘里。吳越春秋云。句踐練冶銅錫之處。采炭于南山。故其間有炭瀆。縣南九里有侯山。山孤立長湖中。湖北有射堂。又于湖中築塘。直指南山。北即大越之國。秦改曰山陰縣。會稽郡治。吳越春秋所謂越王都埤中者。諸暨北界山陰康樂里。句踐霸世。徙都瑯邪。後爲楚伐。始還浙東。（按諸暨今仍曰諸暨縣。清統志練塘在會稽縣東五十七里。銅山在上虞縣西二十五里。）浙江又北逕山陰縣西。浙江之上。又有大吳王小吳王邨。江之西岸有朱室塢。浙江又東北逕重山西。大夫文種之所葬。山上有白樓亭。永建中。陽羨周嘉上書。以縣赴會至難。求得分置。遂以浙江西爲吳。以東爲會稽。一吳也。後分爲三世號三吳。吳興吳郡會稽。浙江又東逕禦兒鄉。國語曰。句踐之地。北至禦兒。是以越

絕稱吳故從由拳辟塞度會稽湊山陰是也。（禦兒在今海寧縣北今併山陰會稽爲紹興縣）又逕永興縣北在會稽東北百二十里故餘暨縣也孫權改曰永興縣濱浙江又東合浦陽江江水導源烏傷縣東逕諸暨縣與洩溪合溪廣數丈中道有兩高山夾溪壁立凡有五洩此是瀑布土人號爲洩也江水又東逕諸暨縣南縣臨江流江南有射堂縣北帶烏山故越地也先名上諸暨亦曰句無故國語曰句踐之地南至句無（永興在今蕭山縣西浦陽江出今義烏縣東北）江水又東南逕剡縣興白石山水會山上有瀑布懸水三十丈下注浦陽江（剡縣今嵊縣）浦陽江水又東流南屈又東迴北轉剡縣東又東逕石橋江水北逕嵯山山下有亭浦陽江又東北逕始寧縣嶧山之成功嶠（始寧在今上虞縣西南）嶠壁立臨江欹路峻狹不得併行浦陽江自嶧山東北逕太康湖車騎將軍謝玄田居所在右濱長江左傍連山江有琵琶圻浦陽江又東北逕始寧縣西本上虞之南鄉漢永建四年陽羨周嘉上書始分之舊治水西常有波潮之患晉中興

之初治今處縣下有小江源出岵山謂之岵浦逕縣下西流注于浦陽林山下注此浦浦西通山陰浦而達于江江南有故城太尉劉牢之討孫恩所築江水東逕上虞縣南本司鹽都尉治縣南有蘭風山（上虞在今上虞縣北嵐風山在上虞西北二十八里嶧山在上虞西南五十里）亦謂是水爲上虞江縣之東郭外有漁浦湖湖外有青山黃山澤蘭山湖之南即江津江南有上塘陽中二里隔在湖南常有水患太守孔靈符遏蜂山前湖以爲埭埭下開瀆直指南津又作水榷二所此江得無淹潰之害江之道南有曹娥碑又有吳瀆破山導源注于胥江上虞江東逕周市而注永興（青山黃山澤蘭山均在今上虞西北浦陽江西上塘陽中二里則在浦陽江東今日曹娥江）地理志云縣有仇亭柯水東入海仇亭在縣之東北十里江北柯水疑即江也又東北逕永興東與浙江合謂之浦陽江地理志云縣有蕭山潘水所出東入海又疑是浦陽江之別名自外無水以應之浙江又東注于海韋昭以松江浙江浦陽江爲三江贛水出豫章南野縣西北過贛

縣東注曰豫章水。導源東北流。逕南野縣北。贛川石阻。水急行難。傾波委注。六十餘里。又北逕贛縣東。縣即南康郡治。晉太康五年。分廬陵立豫章水。右會湖漢水。水出雩都縣。導源西北流。逕金雞石。湖漢水。又西北逕贛縣東。西入豫章水。（按南野今江西大庾等縣。與雩都贛均見前。今章水出湖南桂陽縣東。入江西至贛縣北。貢江來會。湖漢水今日貢水。出福建長汀縣。入江西瑞金縣。至贛縣東。與章江會。曰贛江。）又西北過廬陵縣西。廬水西出。長沙安成縣。吳寶鼎中立。以爲安成郡。東至廬陵。入湖漢水。（廬水今日瀘水河。出安福縣西三蕉嶺。下游曰潞江。至今吉安縣之南。入贛江。安城在今安福縣西。）又東北過石陽縣西。漢和帝永元九年。分廬陵立。獻帝初平二年。吳長沙桓王立廬陵郡治此。豫章水。又逕其郡南。（石陽縣治在今永豐縣西。今贛江當永豐西北。峽江縣之東。）又東北過漢平縣南。又東北過新淦縣西。牽水西出宜春縣。又東過吳平縣。舊漢平也。晉太康元年。改爲吳平。牽水又東逕新淦縣而注豫章水。湖漢及贛通稱也。又贛水出其